

Negociacion pa espacio den edificionan MFA ta canando hopi lihe



ORANJESTAD – Segun Omar Harms di Management Team di MFA, nan ta sintando na mesa cu diferente departamento di gobierno, instancia y companianan priva cu ta interesa den tin nan presencia den e centronan aki.

Negociacion

“Awor aki cu e construccion a cuminsa, negociacionnan pa espacio den edificionan MFA ta canando hopi mas lihe,” Harms a indica. El a menciona cu WEB a confirma su presencia den e MFA di Noord mescos cu AZV. Esaki ta fuera di tur e servicionan basico cu ya caba ta duna den estructura di Hulpbestuurskantor y cu ta inclui documentonan di Censo y pago di Belasting. “Nos ta ocupa cu

DIMAS, Enseñansa pa Empleo y Sociale Zaken, pues tin diferente,” e funcionario a splica.

Manera a keda anuncia construccion di tur cinco Facilidat Multifuncional rond di Aruba ta cuminsa e aña aki y e edificionan ta programa pa habri nan porta na publico den 2015. Mientras tanto e oficina di Management Team di MFA ta trahando riba tur otro aspecto di operacion di e facilidatnan.

Interes

Hunto cu Harms, van de Seijp y director di MFA nan Anky Vrolijk, e Management Team ta papiando tanto cu departamento di gobierno, pero tambe otro companianan manera WEB pa wak unda nan interes ta y por

informa cu e comunicacion ta muestra hopi positivo. “Pa cada un ta diferente. Nan sa unda nan clientenan ta y si

ta interesante pa ta den un MFA of esun otro,” Harms a bisa. Ademas di tur e servicionan anteriormente men-

ciona, tambe e centronan aki lo ofrece espacio pa tene reunion, recreacion y encuentro social. □